



Universitätsbibliothek Paderborn

**De Breviario Concionatorio, Strenæ, Fidelis Prophetissa
Concionibus de B. M. Virgine serviens, Conciones
Occurrentes & Funebres**

Tylkowski, Wojciech

Oliva, 1686

I. Beatam dicunt Sacerdotes; quia Mater Sacramentorum.

[urn:nbn:de:hbz:466:1-51821](https://nbn-resolving.de/urn/resolver.pl?urn=urn:nbn:de:hbz:466:1-51821)

mendatum, etiam si in se ipso vile & exiguum sit, gratum & acceptum reddi apud Deum, idque ob tuam Deo id exhibentis dignitatem; Neque enim rejici ullo modo potest, aut respici, quidquid ipsa ut potè purissima, charissimo Filio presentaverit. Sed hic monet *Guilielmus parvus in cap. 3. Cantico: apud Delphinas* petitiones Mater Filio non offert, nec suscipit offerendas.

C A P U T VII.

Beatam dicit Virginem omnis hominum generatio in particulari.

i. Beatam dicunt Sacerdotes.

Quia Mater Sacramentorum.

Mater est; omnes enim per baptismum nascimur filii Ecclesiae. In hac aqua nos Petrus illius Praeses piscatur. Atqui *Guilelmus in cantico. 4.* Virginem sic alloquitur. De te fluxit fons hortorum, per te venit baptismum fidelium. Illa est Puteus aquarum viventium, id est largientium vitam, & filientium in vitam æternam. Illa est Mater Eucharistie, seu panis illius. *S. Maximus Taurinensis bonifacius de Dominica in Ramis.* Legimus in libro Moysi de manna vermiculos procreat, digna sanè, & justa comparatio; siquidem de manna vermiculus gignitur, & Dominus Iesus de Virgine procreat, quin potius ipsam Mariam Manna dixerim, quia est subtilis, splendida, suavis, & Virgo: quæ cœlitus veniens cunctis Ecclesiæ populis cibum dulciorum melle defluxit. Illa juxta Epiphanius, orat. de laud. Deip. Mensa fidei intellectualis, panem vitæ mundo suppeditans. De Sacramento Confirmationis videtur idem locutus *S. Epiphanius, de laud. Virg.* B. Virgo Nubes est lucida, quæ fulgor de celo lucidissimum ad illuminandum mundum deduxit Christum. Nubes cœlestis quæ tonitruum Spiritus S. in se ipsa reconditum deduxit in mundum, & imbreum Spiritus S. in universam terram ad producendum fidei fructum cum imperio dimisit.

O 3

De

De reliquis Sacramentis per quæ adoptamur in filios Dei, vel gloriā agemus, dictum supra tit. i. c. 4. Alb. M. super missus cap. 74. Licet Beatiſima Virgo Sacramentum Ordinis non reperit, quidquid tamen dignitatis vel gratia in ipso confertur, de hoc plena fuit: in ipso enim confertur septiformis gratia, hæc autem omnifariam gratiā plena fuit. Item tria sunt in Sacramento Ordinis, Dignitas ministerialis, Potestas spiritualis, Administratio executionis. Hæc autem tria Beatissima Virgo habuit in se æquipollenter, & excellenter, Ministri Ecclesie habent dignitatem beneficialem per characterem excellentiæ, Beatissima Virgo habet coronam Ecclesiæ militantis, & Ecclesiæ triumphantis. Unde Summus ministrorum Papa scilicet appellatur, & est Servorum Dei Servus; hæc autem est Regina & Domina Angelorum, ille Servus Servorum Dei, ista Imperatrix totius mundi.

Item in ministris est potestas spiritualis delegata à Deo, vel subdelegata & vicaria, in ipsa autem est plenitudo potestatis coelestis perpetua, ex autoritate ordinaria. Item in ministris est executio ligandi & solvendi per usum clavis, in ipsa autem est dominandi potestas legitima ad ligandum & solvendum per imperium, & sic quidquid est dignitatis & gratiæ in ordinibus in genere, constituta. Virginis minimè defuisse.

Pergit cap. 75. Sed nè videatur virtutes aut dignitates generales habuisse & specialibus caruisse, dicimus ipsam singulorum ordinum dignitates per equitatem possedisse. Habuit cum Exorcistis expulsionem dæmonū. Unde Gen. ipsa contrectat caput tuum. Et Judith Holofernem interfecit. Et Hester vicit Amnon. Cum Ostiarijs habuit introductionē mundorum, & exclusionem immundorum. Ezech. 44. Porta hæc clausa erit, & non aperietur. Princeps ingreditur per eam. Quasi diceret: Porta hæc principem & imitatores suos introducit, & indigena clausa erit. Habet etiam cum Acolythis illuminationem. Cant. 3. Quæ cœpisti quæ ascendit quasi aurora consurgens? Num. 24. Orientar stella ex Jacob. Habuit cum Lectoribus omnium Prophetiarum expositionem ad literam in se ipsa, unde Isa. 1. Ecce Virgo concipiet, & pariet Filium: doctrina est disciplinæ Dei. Habet cum Subdiaconis doctrinæ Apostolicae ostensionem, unde significatur per arcum, in qua fuerunt Deutonomius, & Manna, id est Divina Sapientia. Habet cum Discipulis Verbi Domini conservationem, alijs ad scribendum narrationem, consiliorum Domini perfectam imitationem. Unde Luc. 2. Maria conservabat omnia verba. Habet cum Sacerdotibus Dominicis Corporis per se ipsam formationem, tractionem, communicationem, hoc est quod corpus Dominicum mediante ejus verbo

verbis & consensu, de carnis & sanguinibus eius formatū fuerit, & ipsum familiariſimè & diutissimè tractavit, & in cibum, & potum communicavit, & per hoc nos omnes ad jugum suum suave, & onus leve, charitatem scilicet, ligavit, & ab omnibus penitentia ac culpis, non solum solutos ostendit, sed etiam absolvit juxta illud Ioan. 6. *Qui manducat carnem meam &c.*

Habet cum Episcopis non solum Clericorum ordinationem, præhendatur collationem, templorum consecrationem, Sacrarum Virginum relationem: Ordinat enim Episcopus Sacerdotes per Sacramenti collationem, B. Virgo per continentiaz obligationem, juxta illud Isai. 52. *Mundamini qui fertis vase Domini &c.* Habet autem cum Papa omnium Ecclesiarum sollicitudinem, potestatis spiritualis plenitudinem, privilegiorum actuum universitatem. Alberto totidem ferè verbis subscriptis S. Antoninus p. 4. tit. 15. c. 16. parag. 2.

¶ Beatam dicunt Reges. Quia Regnum est Præsidium.

Nos enim Christiani te solâ, seu præsidio inexpugnabili fruimur dixit 9. Ioh. ode 9. S. Theoph. in Men. Cui accedit S. Sabbas 17. Jan. in Vesp. Prosequimur te laudibus ô Deipara tanquam Civitatem inconcussam, tanquam Murum nullis arietibus rumpendum, tanquam infractum Tutamen & Refugium nostrarum animarum. Et rursus idem qui supra S. Theoph. 1. Jan. ode 5. Nos qui te tanquam muro abunde munimur, præsidio tuo circumvallati. Et S. Joan. Damasc. 22. Jan. 12. 3. Salve potentissimum Christianorum Munimen. At cum S. Sabba in Men. 24. Febr. Tu quæ miserum oppressorum statum emendas, quæquæ de manibus hostium eripis debiles, custodi ô Deipara civitatem, ac populum tanquam Pax eorum, qui oppugnantur, & in belli tempestate Tranquillitas vera, & unica, deinceps Præsidium Christianorum.

Canamus huic Virgini cum S. Ioseph Confess. in Men. 26. April. O Virginæ Civitas Dei, de quo dicta sunt glorioſa! hanc addictam tibi Civitatem, & omnem conditionem illi connexam, cùm ab omnibus periculis, cùm à fame præsertim ac barbarorum furore custodi, tanquam unica, & adeò certa Turela fidelium, quæ confundi neminem sinat. Alludit ad Constantinopolim quam teste Zgnara lib. 3. Imperatores Græci Virgini dedicarunt: uti Stephanus Rex suam Hungariam, Emanuel Rex Lusitanorum recenter repertas Indias teste Maff. lib. 2. initio his. Eduardus Rex Angliam, Carolus Magnus primum quod erexit templum Aquitani grani